

御撰資治通鑑綱目三編

平陽府志卷之四

御撰資治通鑑綱目三編卷三十二

起辛酉明熹宗天啓元年凡三年
盡癸亥明熹宗天啓三年

辛酉
熹宗哲皇帝天啓元年春二月遼陽有數日並出

甲午日日交暈左
右有珥白虹彌天

閏二月孫如游罷

如游入閣言者詆其不由廷推交章論列如游亦屢乞
去帝輒勉留及是復上疏言祖宗任用閣臣多由特簡
遠者無論在世廟則有張璠桂萼方獻夫夏言徐階袁
煒嚴訥李春芳在穆宗則有陳以勤張居正趙貞吉在
神廟則有許國趙志臯張位即皇考之用朱國祚亦特
簡也今陛下冲齡臣材品又非諸臣比有累至尊知人
之明乞速賜骸骨歸田里至十四疏乃
加太子太保文淵閣大學士遣官護歸

三月我

大清兵取瀋陽總兵賀世賢尤世功等死之

延推為明季弊政前已具
論之孫如游以講帷舊恩
熹宗特為簡用即未必遂
稱得人之慶而命相出自
朝廷實事當而理正乃當
時言路輒以其不由推舉
妄肆詆譏交章論劾必欲
去之而後已如游亦遂杭
陞不安屢疏乞退熹宗竟
付之無可如何是廷臣直
忘取貴之權當操之自上
公然把持揆席爭構信猜
何待
何待

袁應泰議三路由師復清河撫順未行

大清兵已薄藩陽總兵賀世賢尤世功等分兵乘城

大兵營城東七里世賢等于城外鑿掘壕塹樹柵築牆環

列鎗礮以拒復登埤堅守

大兵進攻繞城掩擊世賢出戰且卻抵西門身被十四矢

城中聞世賢敗各鳥獸竄或勸世賢走遼陽曰吾爲大

將不能存城何面目見袁經畧乎揮鐵鞭馳突圍中中

矢墜馬而死世功引兵援亦戰死城外兵七萬人皆潰

參將夏國卿知州段展同知陳柏皆死于陣遂樹雲梯

拔藩陽城時總兵陳策統四川步兵二萬營黃山渡渾

河來援

大兵分路以進

太祖高皇帝復勅後軍往助衝擊策兵大敗退擊至渾河兵盡

溺策及參將張名世死之總兵李秉誠朱萬良姜弼領

騎兵三萬來援

太祖命雅遜率護軍二百往偵援兵前進雅遜退援兵遙躡其

後

太祖聞之怒欲自往擊

太宗文皇帝請行領軍疾馳迎戰援兵之躡雅遜者潰奔掩擊

至白塔鋪遇秉誠等方布陣

太宗不待後軍至卽率百騎進擊秉誠萬良弼驚遁適大貝勒

代善台吉岳託軍亦至同追擊四十里斬首三千級而

太祖復

擊還

遊擊周敦吉副將戚金參將吳文傑都司袁見龍鄧起
 龍守備雷安民雲南都司張名世石砭都司秦邦屏等
 皆死質實白塔鋪在承德縣南二十里有河源出老堂峪
 叛降故郵典不及本朝乾隆四十一追謚忠烈尤
 世功榆林衛人官左都督贈少保世廕三級再廕指揮
 僉事世襲賜祭葬建祠曰忠愍乾隆四十一追謚烈
 愍夏國卿陳柏里系無考段展涇陽人乾隆四十一
 俱追謚節愍張名世山陰人陳策李秉誠朱萬良姜弼
 里系無考乾隆四十一追追謚烈愍董仲貴一作仲
 揆南京人萬歷末擢副總兵督川兵援遼及瀋陽戰死
 贈都督同知世廕三級祠祀乾隆四十一追謚烈愍
 周敦吉戚金吳文傑袁見龍鄧起龍雷安民里系
 無考秦邦屏忠州人乾隆四十一追追謚烈愍

大清兵取遼陽經畧袁應泰巡按御史張銓等死之

時我

太祖高

皇帝既得瀋陽集貝勒諸臣議以瀋陽已拔宜乘勢長
 驅遂進兵規取遼陽袁應泰方撤奉集威寧諸軍并力
 守禦開太子河引水注濠沿濠列火器四面守禦甚嚴

大兵至城總兵李懷信等率兵五萬出城五里結營

太祖命左四旗兵擊其左

太宗文皇帝請留二紅旗兵于城傍覘視而自引軍衝擊其營

太宗乘

勝追擊六十里方接戰時遼陽兵自西關出援留後之二紅旗兵見而邀擊驅令奔回遼陽兵爭入關蹂踐死者枕籍翌日

大兵掘城西閘以洩濠水分兵塞城東進水口

太祖親

率右翼兵布楯車堵列城隅以衛眾軍遼陽步騎三萬出東門列營相拒右翼諸將遣人馳告曰掘牖口不若奪橋易也

太祖卽

諭令往奪果得之會壅遏水口將涸右四旗前隊軍渡壕大呼掩擊東門外營方鏖戰

大兵紅甲二百白旗兵千並進遼陽騎兵遂敗各貝勒部下白甲精銳護軍復大呼奮射而入遼陽步兵亦敗望城奔竄

大兵乘勝縱擊至東門外遼陽兵死者濠塹皆滿水盡赤時左四旗兵奪武靖門橋分擊守濠者城上下發火器抵拒

大兵奮勇衝突樹梯登城遂奪西城城中驚擾大亂日將夕左四旗

大兵已登城是夜城中舉火列炬拒戰達旦守城官牛維

維

曜高出等及眾軍民多乘亂縋城而遁翌旦復列楯大

戰又敗右四旗

大兵復登城遂克遼陽總兵朱萬良副將梁仲善參將王

豸房承勲遊擊李尚義張繩武都司徐國全王宗盛守

備李廷幹等皆戰死先是攻城時袁應泰居城北鎮遠

樓知事不濟歎息謂巡按御史張銓曰吾當死于此公

無守城責宜急去退保河西圖後舉銓曰不可應泰遂

佩劍印自縊死婦弟姚居秀從之僕唐世民憑屍大慟

縱火焚樓死銓被執不肯降

太祖命

賜死以遂其志

太宗惜

銓欲生之婉諭再四終不可奪不得已縊而葬之分守

太祖命

遼陽城百姓皆呼萬歲

太祖命

皇子台吉德格類姪台吉寨桑古率八大臣引兵千人

太祖命

安撫居民至海州城中官吏及富殷之家張鼓樂肩輿

太祖命

迎二台吉攬轡傳令禁軍士擾害不得奪民財物二台

太祖命

吉宿公廨中軍士俱屯城上禁勿入民家遼陽既下遼

太祖命

東之三河等五十寨及河東

太祖命

大小七十餘城盡望風降

太祖命

又名東梁河源出薩穆禪山自葦子峪東入西南流至

太祖命

州西北合渾河又西至海城縣西北入遼河河西時以

遼河之東為河東遼河之西為河西袁應泰本朝乾隆四十一年追諡忠節牛維曜裔州人高出萊陽人梁仲善里系無考本朝乾隆四十一年追諡烈愍王房承勲李尙義王宗盛李廷幹里系無考張繩武本姓陳一作神武新建人乾隆四十一年追諡烈愍徐國全里系無考何廷魁字汝謙大同人崔儒秀字儆初陝州人乾隆四十一年追諡烈愍

援遼都司毛文龍集兵皮島

時沿海居民以河東失事皆航海走山東不能達者棲止各島間文龍率援師至皮島島在登萊大海謂之東江地廣衍有險可恃文龍乃招集逃民為兵分布哨船聯接登州為犄角計朝議是之授文龍參將毛文龍仁和人

夏四月延綏孤山城陷

是月癸丑城陷三十
五丈入地二丈七尺

賈繼春削籍

御史賈繼春初以移宮事具揭奉旨切責復上言自明
効忠規勸之意吏部尚書周嘉謨及九卿科道等懇請
優容帝意不
回遂削籍去

五月壬申朔日有食之

以王化貞巡撫廣寧

化貞前以參議守廣寧朱童蒙勘事還極言化貞得西
部心勿輕調化貞亦言遼事將壞惟發帑金百萬亟款
西部會藩道相繼失廷議將起廷弼御史方震孺請加
化貞秩使宜從事令與辭國用同守河西乃進化貞右
僉都御史巡撫廣寧廣寧城在山隈登山可俯瞰城內
恃三岔河為阻又水淺可涉廣寧止驛卒千化貞招集
散亡復得萬餘人激勵士民聯絡西部人心稍安中朝
謂其才足恃悉以河西事付之化貞又以登萊天津兵
可不設諸鎮入衛兵可止當事益信其才所奏請輒報
可時金復衛軍民及東山礦徒多結砦自固以待官軍
其逃入朝鮮者亦不下二萬化貞請鼓舞諸人優
以爵祿俾自奮于功名並請招諭朝鮮帝從之
金復衛金州衛在明遼東都司城南六百二十里今復州境
境復州衛在明遼東都司城南四百二十里今復州境

俱屬奉天府辭國用洛陽人歷官山東右參政分守遼海道以右僉都御史代應泰巡撫遼東應泰死代爲經畧

立皇后張氏

后祥符人時大學士劉一燝及御史畢佐周劉蘭請遣客氏出外帝戀不忍捨曰皇后幼賴媼保護俟皇祖大葬後議之又以大婚禮成廢魏忠賢姪二人給事中程沅周之綱奏祖制非軍功不襲國典不當濫予不聽

太監魏忠賢矯詔殺司禮太監王安

帝命安掌司禮監安以故事辭客氏勸帝從其請與忠賢謀殺之忠賢猶豫未忍客氏曰爾我孰若西李而欲遺患耶忠賢意乃決喉給事中霍維華論安降充南海子淨軍而以劉朝爲南海子提督使殺安朝故李選侍私闖以移宮盜庫下獄宥出者既至絕安食取籬落中蘆菹啗之三日猶不死乃撲殺之

質實

王安後于

魏忠賢閱章奏

昭忠霍維華東光人

明事至熹宗勢已一蹶不振况復身親賤伎欲與巧

匠爭工其為客魏煬蔽實
由自取但自古闢奴乘隙
為奸亦自師承有本如秦
趙高侯二世燕樂促令李
斯奏事以激其怒唐仇士
良教其黨云天子不可令
常閒宜娛其耳目無暇及
他事然後吾輩可以得志
觀忠賢故智前後如出一
轍可見宵小肺腸不謀而
合無如昏庸者明知覆轍
而蹈之

忠賢不知書頗強記猜忍陰毒好諛帝深任信用司禮
監王體乾及李永貞石元雅徐文輔等為腹心凡章奏
永貞等先閱視鈐識款要白忠賢議可否然後行帝性
機巧好親斧鋸椎鑿髹漆之事每引繩削墨忠賢輒奏
事帝厭之謬曰朕已悉矣汝輩好為之忠賢因得擅威福

六月廣東地出血

庚寅日肇慶民王體積
家中庭噴血如跑突泉

起熊廷弼經畧遼東

初廷弼雖罷帝念其守遼功仍議起用瀋陽破廷臣復
思廷弼給事中郭鞏力詆之及遼陽繼失河西軍民盡
奔自塔山至閭陽二百餘里煙火斷絕京師大震劉一
燦曰使廷弼在遼當不至此御史江秉謙追言廷弼守
遼功且以排擠勞臣為鞏罪帝乃治前劾廷弼者貶馮
三元張修德魏應嘉郭鞏等秩除姚宗文名御史劉廷
宣救之亦被斥乃詔起廷弼于家及是廷弼入朝首請
免言官貶謫帝不可乃建三方布置策廣寧用馬步兵
列壘三岔河上天津登萊各置舟師設登萊巡撫如天
津而山海特設經畧節制三方以一事權遂命廷弼以

兵部尙書兼右副都御史駐山海關經畧遼東軍務賜
上方劍請調兵二十餘萬以兵馬芻糗器械之屬責成
戶兵工三部廷弼因奏請復監軍道高出胡嘉棟督餉
郎中傅國等官令其任事又議用遼人故贊畫主事劉
國縉爲登萊招練副使夔州同知佟卜年爲登萊監軍
僉事故臨洮推官洪敷教爲職方主事軍前贊畫收拾
遼人心並報允七月廷弼行特賜麒麟服一彩幣四宴
之郊外合文武大臣陪餞異數也先是袁應泰死薛國
用代爲經畧病不任事化貞乃部署諸將沿河設六營
營置參將一守備二分守諸要害各設戍防議旣上廷
弼疏言河窄難恃堡小難容今日但宜固守廣寧若駐
兵河上兵分則力弱倘輕騎潛渡直攻一營力必不支
一營潰則諸營俱潰西平諸戍亦不能守河上止宜置
游徼兵更番出入示以不測不宜屯聚一處爲人所乘
自河抵廣寧止宜多置烽堠西平諸處止宜稍置戍兵
爲傳烽哨探之用而大兵悉聚廣寧于城外犄角立營
深壘高柵以俟蓋遼陽去廣寧三百六十里非飛騎一
日所能到有聲息我必預知斷不宜分兵防河先爲自
弱之計疏入優旨褒答會御史方震孺亦言防河不足
恃議乃寢化貞以計不行溫甚盡委軍事于廷弼廷弼
請申諭化貞不得藉口節制坐失事機先是四方援遼
之師化貞悉改爲平遼遼人多不悅廷弼言遼人未叛

乞改平遼名以安其心自是化

質實

塔山在承德縣東南四十里山上有

城閭陽城名在錦州府廣寧縣西南五十五里今為驛

江秉謙字兆豫歙人郭鞏遷安人方震孺字孩未桐城

以張鶴鳴為兵部尚書

初鶴鳴巡撫貴州威名甚著遷兵部右侍郎總督陝西

三邊軍務尋轉左侍郎佐理部事時兵事亟兵部增設

二侍郎而鶴鳴與祈伯裕王在晉並臥家園不赴及是

右侍郎張經世督援師出關部中遂無侍郎言官請趣

鶴鳴章數十上乃剋期令兵部馬上督催始履任至則

論前平苗功進本部尚書視侍郎事尚書王象乾出鶴

薊遼軍務遂代其位給事中韋蕃請留象乾出鶴鳴督

師忤旨謫外鶴鳴與經畧熊廷弼相失論事多齟齬獨

喜巡撫王化貞化貞本庸才好大言鶴鳴主之所奏請

無不從令無受廷弼節度中外皆知經撫不和必誤封

疆而鶴鳴信化貞愈

秋七月順天蝗

明熹宗天啓元年

八月以毛文龍爲總兵官駐師鎮江城

時廷弼奏言三方建置須聯絡朝鮮請遣使往勞俾盡發兵連營江上助我聲勢再詔恤遼人之避難朝鮮者招集團練別爲一軍與朝鮮軍合勢使臣卽權駐義州控制聯絡與登萊聲息相通更發銀六萬兩分犒朝鮮及遼人乞給空名劄付百道東山礮徒能結聚千人者卽署都司五百人者署守備一二萬勁兵可立致也因薦監軍副使梁之垣充命使帝從之方與所司議兵餉而毛文龍適以島山兵襲取鎮江城時我大兵鎮江守將陳良策潛通于文龍故文龍引兵取其城王化貞遽以大捷奏舉朝皆喜化貞遂請授文龍總兵官設軍鎮皮島廷議亟發天津登萊水師二萬援文龍化貞督廣寧軍四萬進據河上合諸蒙古軍乘機進取張鶴鳴以爲然奏言時不可失促進師廷弼言三方兵力未集文龍發之太早亂三方並進之謀誤屬國聯絡之計時朝士方以鎮江爲奇捷聞其言多不服廷弼又顯詆鶴鳴謂臣旣任經畧四方援兵宜聽臣調遣乃鶴鳴竟自發戍不令臣知臣咨部問調軍之數亦不答臣有經畧名而無其實遼左事惟樞臣撫臣共爲之鶴鳴益恨化貞又言西部兵四十萬且至請速濟師廷弼言撫臣恃西部欲以不戰爲戰計臣未敢以爲可也臣初

王化貞渡河進師無功而還

三方布置必兵馬器械舟車芻茭無一不備而後剋期
齊舉進足戰退亦足守今臨事中亂雖樞臣主謀于中
撫臣決策于外而臣猶有萬一不必然之慮也
質實義州在錦州府北九十里
義州屬北京路元屬大寧路明置義州衛屬遼東
都指揮使司今爲義州屬錦州府梁之垣登州人

化貞旣渡河廷弼不得已出關次右屯而馳奏海州取
易守難不宜輕舉化貞爲人驍而愎素不習兵妄意降
將李永芳爲內應又信西部言調助兵四十萬遂欲以
不戰取全勝一切土馬甲仗糗糧營壘俱置不問務爲
大言以罔中朝謂仲秋之月可高枕而聽捷音尙書鶴
鳴深信之以故廷弼不得行其志及是西部兵不至化
貞亦不敢進後十月河冰合廣寧人謂

大

清兵必渡河競謀竄逸化貞乃與震孺計分兵守鎮武

西平間陽鎮寧諸城堡而以重師守廣寧鶴鳴亦以廣
寧可慮請勅廷弼出關策應廷弼上言樞臣第知經畧

一出足鎮人心不知徒手之經畧一出其搖動人心更
甚且臣駐廣寧化貞駐何地鶴鳴責經撫協心同力而

樞臣與經臣獨不當協心同力乎爲今日計惟樞部俯
同于臣臣始得爲陛下任東方事也旣而廷弼復出關

至右屯議以重兵內護廣寧外扼鎮武閭陽乃令劉渠以二萬人守西平部署甫定化貞又信質實西平亦堡名在千人守遠發兵襲海州旋亦引還質實鎮武東劉渠保謀者言邈發兵襲海州旋亦引還質實鎮武東劉渠保定人祁秉忠西寧世襲土司羅一貫甘州衛人本朝乾隆四十一年俱追諡烈愍

九月葬慶陵

諡曰宗天契道英睿恭純憲文景質實慶陵在昌平州武淵仁懿孝貞皇帝廟號光宗質實天壽山西峯右明史贊曰光宗潛德久彰海內屬望而天不假年措施未展三案構爭黨禍益熾可哀也夫

賜客氏香火田

帝以客氏保護功命戶部擇田二十頃以為香火之用魏忠賢以陵工告成錄敘御史王心一疏言梓宮未殯先規客氏之香火陵工既成強入忠賢之勤勞于禮為不順于事為失宜忠臣愛君必防其漸帝怒責之質實

質實王心一吳縣人

四川永寧土司奢崇明反

永寧奢氏猥種也洪武中歸附世爲宣撫司傳至奢崇
周無子崇明以疎屬襲外恭內陰驚其子寅尤驍桀好
亂時朝廷方遣官募川兵援遼崇明父子請行先遣土
目樊龍張彤等以兵詣重慶巡撫徐可求議汰其老弱
發餉餉復弗繼龍等遂鼓眾反殺可求及道府總兵等
官二十餘人時土兵數千列江岸相應遂據重慶分兵
攻合江納溪破瀘州陷遵義府時遵義道臣李仙品參
將萬金督兵援遠俱赴重慶城中守備空虛通判袁任
先期委城遁賊攻合州江津知州翁登彥知縣周禮嘉
悉力捍禦不能破賊陷興文知縣張振德不屈率妻子
赴火死崇明統所部與徼外諸蠻凡數萬播州遺孽及
諸亡命奸人蠭起附之全蜀震動宗明乘勢向成都官
兵出拒者多敗冬十月崇明進圍成都僞號大梁設丞
相以下官時城中僅鎮遠營兵七百餘人左布政使朱
變元將入覲蜀王以亂留治軍事變元急趣近道兵赴
援偕右布政使周著按察使林宰等分埤固守賊薄城
變元屢以火器卻之至暮賊擁鉤梯數千攀城欲上燬
元戒士卒第放礮礮石母譁遲明賊積屍滿城下時濠
水方涸賊率降民持箴束薪載濠石壘如山下架蓬華
以避銃石伏弩仰射城中燬元夜縱壯士持芻塗膏殺
守者縱火舉山隤賊大沮燬元又遣人決都江堰水
至濠濠滿賊因治橋得少息尋斬入城爲內應者二百